

Olei caryophyllorum aromaticorum essentia-  
lis ꝑ. drachmam dimidiam,

Spiritûs salis ammoniaci dulcis M. libras duas.

DISTILLA igne lenissimo.

## RESINOSA,

et

## SULPHUREA.

### FLORES BENZOINI.

BENZOINUM in pulverem tritum ollæ figu-  
linæ in arenâ locatæ immittatur, et leni calore  
fiores sublimentur in conum chartaceum ollæ  
adaptatum.

VEL benzoinum retortæ immittatur, et leni  
igne flores in retortæ collum ascendent.

FLORES flavedine inquinati terræ Cimoliâ  
albâ mixti denuo sublimentur.

### FLORES SULPHURIS.

SUBLIMENTUR sulphur ex vase idoneo,  
et flores, qui concresecant, reducantur in pulve-  
rem molâ ligneâ, vel ligneo pistillo in mortario  
marmoreo.

FLO-

46 RESINOSA et SULPHUREA.

FLORES SULPHURIS

loti.

FLOREBUS sulphuris affundatur aqua ad altitudinem quatuor digitorum supra flores, & coquantur aliquamdiu; deinde hanc aquam effunde, et, frigidâ affusâ, penitus ablue; denique flores siccantur ad usum.

BALSAMUM SULPHURIS

simplex.

FLORES sulphuris cum quadruplo olei olivarum pondere coquantur in ollâ leviter rectâ, donec coëant in balsami crassitudinem.

EODEM modo cum petroleo Barbadenâ fit balsamum sulphuris Barbadenâ.

SULPHUR PRÆCIPITATUM.

FLORES sulphuris cum triplo calcis vivæ pondere coquantur in aquâ ad solutionem sulphuris, et liquor per chartam coletur; deinde, spiritu vitrioli tenui addito, præcipitabitur pulvis, qui sæpius affusâ aquâ lavandus est, donec omnino insipidus fiat.

AQUA SULPHURATA.

℞. Aquæ M. libras duas,  
Sulphuris P. libram dimidiam.

SULPHURIS portio aliqua in cochleari ferro incensa suspendatur super aquam in vase clauso; et, fumo residente, idem toties repetatur, donec totum sulphur sit consumptum.

METAL-